



অবিলম্বে প্রকাশের উদ্দেশ্যে: 9/9/2023

গভর্নর ক্যাথি হোকল

গভর্নর হোকল চন্দ্র নববর্ষকে স্কুলের ছুটির দিন ঘোষণা করে বিধিমালায় স্বাক্ষর করলেন

**বিধিমালা (A.7768/S.7573) সকল সরকারি স্কুল এশিয়ান চন্দ্র নববর্ষ উপলক্ষে বন্ধ রাখা আবশ্যিক করে**

**বিল স্বাক্ষর করার ছবি [এখানে](#) রয়েছে**

গভর্নর ক্যাথি হোকল আজকে পুরো নিউ ইয়র্ক স্টেটে এশিয়ান চন্দ্র নববর্ষকে (Asian Lunar New Year) একটি সরকারি স্কুলের ছুটির দিন ঘোষণা করে বিধিমালায় স্বাক্ষর করলেন। বিধিমালা (A.7768/S.7573) নিশ্চিত করবে যাতে চন্দ্র নববর্ষের সময় স্কুলের সেশন না চলে, এটি নিউ ইয়র্কের এশিয়ান আমেরিকান এবং প্যাসিফিক আইল্যান্ডার (Asian American and Pacific Islander, AAPI) সম্প্রদায়কে সমর্থন ও সুরক্ষাদানে গভর্নর হোকলের প্রতিশ্রুতিকে তুলে ধরছে।

"চন্দ্র নববর্ষকে একটি আনুষ্ঠানিক স্কুল ছুটির দিন হিসেবে ঘোষণা করার মাধ্যমে আমরা নিউ ইয়র্কের AAPI সম্প্রদায়সমূহের এবং যেই সমৃদ্ধ বৈচিত্র্য নিউ ইয়র্ককে মহান করে তার গুরুত্বের স্বীকৃতিদানে একটি গুরুত্বপূর্ণ ধাপ গ্রহণ করছি," **গভর্নর হোকল বলেন।** "এটি শুধু স্কুল থেকে একদিনের ছুটি নয়, এটি আমাদের শিশুদের জন্য তাদের নিজেদের বা বিভিন্ন সংস্কৃতি ও ঐতিহ্য শেখা ও উদযাপন করার একটি সুযোগ।"

**অ্যাসেম্বলি সদস্য কার্ল হিস্টি বলেন,** "চন্দ্র নববর্ষকে নিউ ইয়র্কের সরকারি স্কুলে ছুটির দিন করা হলো অ্যাসেম্বলি সংখ্যাগরিষ্ঠ এবং আমাদের এশিয়ান প্যাসিফিক টাস্ক ফোর্সের (Asian Pacific Task Force) নিবেদিত সদস্যদের পরিশ্রমের সরাসরি ফলাফল। নিউ ইয়র্ক স্টেট সুন্দরভাবে বৈচিত্র্যপূর্ণ, যেখানে বিভিন্ন জাতীয়তা, ধর্মীয় এবং সাংস্কৃতিক পটভূমির মানুষ একত্রে বাস করছে, কাজ করছে এবং পরিবার পালন করছে। চন্দ্র নববর্ষের ছুটি আমাদের স্টেটের কয়েক হাজার এশিয়ান শিক্ষার্থীকে নিজেদের শিক্ষার ব্যাপারে আত্মত্যাগ না করেই একত্রিত হয়ে এবং পরিবার ও বন্ধুদের সাথে উদযাপন করার সুযোগ প্রদান করবে। আমি আশা করছি যে এটি আমাদের এশিয়ান বন্ধু ও প্রতিবেশীদের সংস্কৃতি ও ঐতিহ্যের উপর আলোকপাত করবে, এবং যখন আমরা এশিয়ান সম্প্রদায়সমূহের বিরুদ্ধে ঘৃণা ও সহিংসতা দেখছি তখন এটি মানুষের চোখ খুলে দিবে, সহনশীলতা ও গ্রহণযোগ্যতাতে উৎসাহিত করবে। গভর্নর হোকলের নেতৃত্ব এবং এই গুরুত্বপূর্ণ বিধিমালা স্বাক্ষর করার জন্য আমি গভর্নর হোকলকে ধন্যবাদ জানাচ্ছি।"

বিধিমালা (A.7768/S.7573) স্টেটব্যাপী এশিয়ান চন্দ্র নববর্ষকে একটি সরকারি স্কুলের ছুটির দিন হিসেবে ঘোষণা করে শিক্ষা আইনকে সংশোধিত করে। বিধিমালাটি সকল সরকারি স্কুলের জন্য চন্দ্র নববর্ষের ছুটিতে বন্ধ থাকা আবশ্যিক করে।

**স্টেটের সিনেটর ব্রায়ান কাভানাহ বলেন,** "এশিয়ান নিউ ইয়র্কবাসীর বহু এবং বিভিন্ন ধরনের অবদান ছাড়া নিউ ইয়র্কের গল্প লেখা সম্ভব হতো না। তবুও পুরো স্টেটের বহু স্কুলে এশিয়ান পরিবার ও শিক্ষার্থীদেরকে স্কুলে উপস্থিত থাকা এবং তাদের সম্প্রদায়ের সর্বাপেক্ষা গুরুত্বপূর্ণ ছুটির দিন উদযাপন করার মধ্যে একটি বেছে নিতে হয়। এবং অন্য বহু নিউ ইয়র্কবাসী আমাদের স্টেটের বৈচিত্র্যময় ঐতিহ্য উদযাপন করার সুযোগ থেকে বঞ্চিত হচ্ছে। তাই আমি অত্যন্ত গর্বিত যে আজকে থেকে আমরা চন্দ্র নববর্ষকে আনুষ্ঠানিকভাবে একটি স্কুল ছুটির দিন হিসেবে স্বীকৃতি দিচ্ছি। এই বিলটির জন্য অ্যাডভোকেট করা বহু এশিয়ান ব্যক্তি, পরিবার, ও সংগঠনকে, স্টেটের আইনসভায় ক্রমবর্ধমান ও শক্তিশালী এশিয়ান সহকর্মীদের প্রতিনিধিদলকে তাদের নেতৃত্ব, নির্দেশনা, ও সমর্থনের জন্য, বিশেষ করে অ্যাসেসম্বলি সদস্য গ্রেস লি এবং সিনেটর জন লিউ ও ইওয়েন চু, অ্যাসেসম্বলিতে বিলটি পাশ করাতে অ্যাসেসম্বলি বিল স্পন্সর বিল কন্টনের দারুণ কাজের জন্য, এবং আজকে এটিকে আইন হিসেবে স্বাক্ষর করার জন্য গভর্নর ক্যাথি হোকলকে আমি ধন্যবাদ জানাচ্ছি।"

**অ্যাসেসম্বলি সদস্য উইলিয়াম কল্টন বলেন,** "আমাদের স্টেট ও দেশের আকৃতি প্রদানে এশিয়ান আমেরিকানরা একটি অত্যাবশ্যিকীয় ভূমিকা পালন করেছে কিন্তু তারা বৈষম্য ও কাঠিন্যের বহু প্রতিবন্ধকতা অতিক্রম করতে অনবরত সংগ্রাম করেছে। এশিয়ান চন্দ্র নববর্ষকে একটি স্টেটের স্কুল ছুটির দিন বানানো হলে তা শুধু এশিয়ান আমেরিকানদের জন্য লাভজনক হবে না, বরং এটি সকল গোষ্ঠীর জন্য আমেরিকান স্বপ্ন অর্জনের একটি শক্তিশালী আশার বাণীর প্রচার করবে। গভর্নর, আইনসভার নেতৃবৃন্দ এবং বিলটির প্রাইম কো-স্পন্সর অ্যাসেসম্বলি সদস্য গ্রেস লি এবং আমার বহু সহকর্মীর সমর্থন ছাড়া ঐতিহাসিক এই বিধিমালাটি সম্ভব হতে পারতো না।"

**অ্যাসেসম্বলির এশিয়ান প্যাসিফিক আমেরিকান (Asian Pacific American, APA) টাস্ক ফোর্সের সহপ্রধান, অ্যাসেসম্বলি সদস্য গ্রেস লি বলেন,** "নিউ ইয়র্কে স্টেটব্যাপী চন্দ্র নববর্ষকে স্বীকৃতি দানের এই ঐতিহাসিক প্রয়াসের নেতৃত্ব দিতে পারা একটি সামনের বিষয়। এশিয়ান আমেরিকান হিসেবে আমরা অনেক দীর্ঘ সময় ধরে নিউ ইয়র্কে অদৃশ্য ও অশ্রুত থেকে গেছি, এবং এই বিলটি নিউ ইয়র্কের ইতিহাসে আমাদের অবদানকে স্বীকৃতি দান করে, এবং আমাদের বক্তব্য ও আমাদের গল্প যে গুরুত্বপূর্ণ তা প্রতিষ্ঠিত করে। এখন আমি বাড়িতে আমার সন্তানদের সাথে চন্দ্র নববর্ষ উদযাপন করার জন্য পুরো স্টেটের কয়েক হাজার পরিবারের সাথে যোগ দিতে পারবো। আইনটি নতুন প্রজন্মসমূহকে এশিয়ান সংস্কৃতির সাথে পরিচিত করবে, এবং যখন এশিয়ান নিউ ইয়র্কবাসীরা এশিয়ানবিরোধী ঘৃণার শিকার হচ্ছে তখন বৈচিত্র্য ও অন্তর্ভুক্তির প্রচার করবে। নিউ ইয়র্ককে চন্দ্র নববর্ষ পালন করার জন্য আবশ্যিক স্টেটব্যাপী স্কুল ছুটির ব্যবস্থা করা প্রথম স্টেট বানিয়ে আমরা অন্য স্টেটগুলির অনুসরণ করার জন্য একটি মূল্যবান উদাহরণ স্থাপন করছি। গভর্নর ক্যাথি হোকল, অ্যাসেসম্বলি স্পিকার কার্ল হিস্টি, সংখ্যাগরিষ্ঠ নেতা অ্যান্ড্রিয়া স্টুয়ার্ট-কাজিন্স, এবং নিউ ইয়র্কের AAPI সম্প্রদায়ের জন্য ঐতিহাসিক এই অর্জন নিশ্চিত করার জন্য এই প্রয়াসকে সমর্থন করা আমার সকল সহকর্মীকে ধন্যবাদ।"

গভর্নর হোকল নিউ ইয়র্কের AAPI সম্প্রদায়কে সমর্থন, সুরক্ষাদান, ও উদযাপনের জন্য প্রতিশ্রুতিবদ্ধ রয়েছেন। অর্থবছর 2024 বাজেটে গভর্নর হোকল এশিয়ান আমেরিকান ফেডারেশন (Asian American Federation) এবং এশিয়ান আমেরিকান শিশু ও পরিবার কোয়ালিশনের (Coalition for Asian American Children and Families) মাধ্যমে সম্প্রদায়ের সংগঠনগুলির জন্য 30 মিলিয়ন মার্কিন ডলার বরাদ্দ করেন, যা সম্পূর্ণ স্টেটের AAPI সম্প্রদায়সমূহকে সমর্থন করার জন্য সর্বকালের সর্ববৃহৎ বিনিয়োগ। তহবিলটি পাবে ক্রমবর্ধমান বৈচিত্র্যময় সম্প্রদায়ভিত্তিক সংগঠনের সম্ভার যারা সাংস্কৃতিকভাবে প্রতিক্রিয়াশীল এবং ভাষাগতভাবে দক্ষ সেবা প্রদান করে এবং একই সাথে AAPI সম্প্রদায় যে পদ্ধতিগত সহিংসতা, বর্ণবাদ, এবং বৈষম্যের সম্মুখীন হয় তার সমাধান করে।

**স্টেটের সিনেটর জন লিউ বলেন,** "চন্দ্র নববর্ষ হলো এশিয়ান আমেরিকানদের জন্য বছরের সবথেকে গুরুত্বপূর্ণ সময়, এবং দেশের দ্রুততম বর্ধনশীল সম্প্রদায় হিসেবে, আমাদের ঐতিহ্য, সংস্কৃতি এবং আচারবিধি যাতে অন্য সকল আমেরিকান ছুটির উপলক্ষের মতো একটি সম্মান ও মর্যাদার সাথে গণ্য করা হয় তা নিশ্চিত করা আমাদের জন্য প্রয়োজনীয়। চন্দ্র নববর্ষকে একটি স্টেট ছুটির দিন ঘোষণা করা হলো শুধু নিউ ইয়র্কে নয়, বরং পুরো দেশে এশিয়ান আমেরিকানদের জন্য স্বীকৃতি ও বৈধতা প্রদানের একটি গুরুত্বপূর্ণ ধাপ। এই বিধিমালা স্বাক্ষর করাকে একটি অগ্রাধিকার করার জন্য গভর্নর হোকলকে অনেক ধন্যবাদ।"

**স্টেটের সিনেটর ইওয়েন চু বলেন,** "আজকে নিউ ইয়র্ক স্টেট চন্দ্র নববর্ষকে একটি সরকারি স্কুল ছুটির দিন বানাতে, এটি এশিয়ান নিউ ইয়র্কবাসীর অন্তর্ভুক্তির জন্য একটি দীর্ঘদিনের প্রয়াস। এখন পরিবারগুলিকে নিজেদের শিক্ষা ও নিজেদের সাংস্কৃতিক ঐতিহ্য পালনের মধ্যে একটি বাছাই করতে হবে না। এই আইনটি আমাদের মহান স্টেটের বৈচিত্র্যময় ট্যাপেস্ট্রিতে AAPI সম্প্রদায়ের অবদানের স্বীকৃতি প্রদান করে এবং আরো বেশি সচেতনতা সৃষ্টি করে, AAPI নিউ ইয়র্কবাসীরা যেই ঘণার সম্মুখীন হয় তার বিরুদ্ধে লড়াই করে। এই বিধিমালাকে আমার দৃঢ় সমর্থন প্রদান করতে পেরে আমি গর্বিত এবং এই আইনসভার অধিবেশনে এটিকে একটি অগ্রাধিকার করার জন্য আমি গভর্নর হোকল, সিনেট সংখ্যাগরিষ্ঠ নেতা অ্যান্ড্রিয়া স্টুয়ার্ট-কাজিন্স, এবং অ্যাসেম্বলি স্পিকার কার্ল হিস্টিকে ধন্যবাদ জানাচ্ছি।"

**অ্যাসেম্বলি সদস্য এডওয়ার্ড ব্রাউনস্টাইন বলেন,** "নিউ ইয়র্কে চন্দ্র নববর্ষকে একটি স্টেটব্যাপী সরকারি স্কুল ছুটির দিন হিসেবে প্রতিষ্ঠা করা একটি ল্যান্ডমার্ক অর্জন, এবং আমি অ্যাসেম্বলির এই প্রয়াস সমর্থন করতে পেরে গর্বিত। স্টেটব্যাপী স্কুল ছুটির দিন হওয়ার ফলে এই উপলক্ষ পালন করা সকলে তাদের পরিবারের সাথে উদযাপন করতে পারবে, এবং একই সাথে এটি নিউ ইয়র্কবাসীকে চন্দ্র নববর্ষের সাংস্কৃতিক এবং ঐতিহাসিক গুরুত্ব সম্পর্কে শেখার সুযোগ প্রদান করবে। আমি এই ঐতিহাসিক মুহূর্তকে উদযাপন করছি এবং এই বিলটিকে আইন হিসেবে স্বাক্ষর করার জন্য গভর্নর হোকলকে ধন্যবাদ জানাচ্ছি।"

**অ্যাসেম্বলি সদস্য রন কিম বলেন,** "চন্দ্র নববর্ষকে অবশেষে স্টেটব্যাপী একটি ছুটির দিন হিসেবে স্বীকৃতি দান করার জন্য একাধিক প্রজন্মের আইন প্রণেতাদের কাজ করতে হয়েছে এবং অর্থপূর্ণ একটি পায়ে এশিয়ান আমেরিকানদের স্বীকৃতি দানের জন্য আমি গভর্নর হোকলকে ধন্যবাদ জানাতে চাই। সাবেক সদস্য জিমি মেং, এলেন ইয়ং, এবং গ্রেস মেং থেকে শুরু করে APA টাস্ক ফোর্সের সহপ্রধান গ্রেস লি এর মতো বর্তমান সদস্য কর্তৃক এই বিধিমালাকে

অগ্রাধিকার করা পর্যন্ত, সকলের অবদানের জন্য আমি কৃতজ্ঞ। সবশেষে, নিউ ইয়র্ক স্টেটে এশিয়ান আমেরিকানদের উদযাপন করতে স্পিকার কার্ল হিস্টিকে তার নেতৃত্ব এবং নির্দেশনার জন্য আমি তাকে ধন্যবাদ জানাতে চাই।"

**অ্যাসেম্বলি সদস্য জেনিফার রাজকুমার বলেন,** "নিউ ইয়র্ক স্টেট অফিসে নির্বাচিত প্রথম দক্ষিণ এশিয়ান নারী হিসেবে, আমাদের স্টেট এবং এর AAPI সম্প্রদায়ের সমৃদ্ধ বৈচিত্র্যের স্বীকৃতি প্রদান করি এই ঐতিহাসিক বিল স্বাক্ষর করার জন্য গভর্নর ক্যাথি হোকলকে ধন্যবাদ। পুরো স্টেটের 1 মিলিয়নের বেশি মানুষ চন্দ্র নববর্ষ উদযাপন করে এবং আজকে আমরা তাদের সকলকে বলছি যে আমরা তোমাদের দেখছি এবং স্বীকৃতি দিচ্ছি। ঐতিহাসিক এই বিল পাশ করানোর ব্যাপারে সাহায্য করতে পেরে আমি গর্বিত। আজকে আমরা আমাদের স্টেটের বৈচিত্র্যময় সম্প্রদায়সমূহের জন্য আমাদের শিক্ষা ব্যবস্থাকে কার্যকর করলাম। পুরো দেশে AAPI সম্প্রদায়সমূহের জন্য বর্ধনশীল ঘৃণার যুগে, নিউ ইয়র্ক সকল ধর্ম ও পটভূমির মানুষের জন্য সম্মান, সহনশীলতা ও ভালোবাসার একটি মশালস্বরূপ।"

**অ্যাসেম্বলি সদস্য জেসিকা গঞ্জালেস-রোহাস বলেন,** "আমাদের নিউ ইয়র্ক সিটি এবং স্টেটজুড়ে আমাদের প্রতিবেশীদের দ্বারা অনুশীলন ও প্রতিনিধিত্ব করা বহু সংস্কৃতির জন্য চন্দ্র নববর্ষ একটি গুরুত্বপূর্ণ ছুটির উপলক্ষ। এই বিলটিকে আইন হিসেবে স্বাক্ষর করার মাধ্যমে আমরা প্রমাণ করা অব্যাহত রাখতে পারি যে আমাদের স্কুলের শিশুসহ সকল নিউ ইয়র্কবাসীরা যাতে সকল সংস্কৃতি উদযাপন করতে পারে। এটি করার জন্য প্রাইম স্পন্সর এবং অ্যাডভোকেটদের ধন্যবাদ।"

**অ্যাসেম্বলি সদস্য মার্সেলা মিটায়েলস বলেন,** "প্রাণবন্ত সাংস্কৃতিক শেকড়ই ব্রুকলিনকে এতোগুলি সম্প্রদায়ের বাড়ি করে তুলেছে। আমরা যদি আমাদের স্টেট সরকারের মাধ্যমে এই সংস্কৃতিগুলিকে সম্মান না জানাতে চাই, তাহলে আমরা এই মূল্যবান প্রাণোচ্ছলতা হারিয়ে ফেলার ঝুঁকির সম্মুখীন হবো। সানসেট পার্কে আমার বাড়ি আমার পরিবার এবং চায়নাটাউনে বসবাস ও কাজ করা আরো অনেকের মতো উত্তম ভবিষ্যতের জন্য লড়াই করা অভিবাসী পরিবার দ্বারা তৈরি হয়েছে। চন্দ্র নববর্ষ উদযাপন করা শিক্ষার্থীদের সমর্থন প্রদান করা এবং আমরা এই উপলক্ষকে কতটা মূল্য দেয় তা প্রদর্শন করা একটি সম্মানের ব্যাপার। শিক্ষার্থীদেরকে কখনোই নিজেদের সংস্কৃতি ও নিজেদের শিক্ষার মধ্যে বাছাই করতে হওয়া উচিত না, কারণ সংস্কৃতির ব্যাপারে শেখা হলো শিক্ষার সেরা দিকগুলির একটি। চন্দ্র নববর্ষকে একটি স্কুলের ছুটির দিন হয়ে উঠতে দেখে এবং আমার জেলার বহু পরিবার এই পরিবর্তন উদযাপন করবে জেনে আমি খুশি।"

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418